



A alianza de R co provedor galego de fibra óptica 'Rede Aberta' permitirá cubrir 450.000 inmobles e levar a alta velocidade a núcleos rurais de máis de 170 municipios de Galicia.

Melide alcanza os 11.800 inmobles con fibra óptica de R e completa a cobertura de alta velocidade no rural con 5G do operador galego

- ***No último mes R aumentou en máis de 1.400 o número de inmobles de Melide conectados á súa rede de fibra ultrarrápida FTTH grazas ao seu acordo co grosista galego de fibra óptica 'Rede Aberta'.***
- ***O case que milleiro e medio de vivendas e empresas incorporadas á rede de R -núcleos de Melide, O Barreiro e Vitoriz- xa poden gozar dos servizos de telecomunicacións máis innovadores e de posibles accesos de ata 10 xigas, wifi 6 e tele con deco Android 4K sen custo adicional.***
- ***Melide, como outros 223 municipios galegos, dispón tamén de cobertura coa solución 'internet rural' con 5G de R (mambo 'Axiña') para levar a alta velocidade a zonas rurais de difícil acceso onde non chega a fibra óptica.***
- ***Os fogares e negocios de Melide con conexións ADSL -que se apagarán definitivamente en Galicia estes días- poderán dispor de banda ancha coa fibra óptica de última xeración de R ou coa súa solución de 'internet rural' 5G se a fibra non chega á súa zona.***

Mércores, 17 de abril de 2024.- Melide xa dispón de cobertura de fibra óptica ata o fogar (FTTH) en preto de 11.800 fogares e empresas que poden gozar dende este momento dos servizos máis avanzados de telecomunicacións coa tecnoloxía máis rápida do mercado.

A cifra de inmobles conectados á rede de **R** incrementouse recentemente en Melide -e noutros moitos municipios do territorio- grazas ao acordo do operador co grosista tamén galego de fibra óptica 'Rede Aberta'. Froito desta alianza máis de 1.400 inmobles dos núcleos melidenses do Barreiro, Melide e Vitoriz sumáronse á infraestrutura de **R**, co que a poboación destas zonas tamén disporá de accesos ultrarrápidos a internet de ata 10 xigas simétricos (subida e baixada), dunha cobertura óptima nos fogares -pois a fibra chega ata as súas vivendas- e dunha maior capacidade de navegación con varios dispositivos á vez. Todo iso unido aos servizos de wifi 6 e tele con deco Android 4K sen custo adicional.

Falamos da última tecnoloxía baseada no estándar XGS-PON, preparada para o futuro, idónea para simultanear tarefas de teletraballo, teleformación, videochamadas, *streaming*, *gaming*, etc. Un sistema que habilita eses accesos megarrápidos con catro veces máis capacidade de descarga do que a tecnoloxía actual e ata oito veces máis capacidade de subida.

O acordo de **R** con 'Rede Aberta' permitirá cubrir aproximadamente **450.000 inmobles** e levar a alta velocidade coa fibra máis rápida a máis recantos de Galicia en núcleos rurais duns **170 municipios do territorio**.

A intención é ampliar ao máximo a cobertura de banda ancha en Galicia en todos os recunchos da comunidade. Con este fin, **R** e 'Rede Aberta' alíñanse na súa arela de lle proporcionar ao rural de Galicia os medios necesarios para integrarse no mundo dixital e acadar que a conectividade chegue a zonas impensables ata o de agora. Desta maneira, aldeas do rural gozarán dos servizos de **R** tal e como o fan as capitais de provincia do territorio: un paso máis na redución da fenda dixital entre os dous ámbitos.

'Internet rural' de R para completar cobertura de alta velocidade en Melide

Nas zonas de Melide onde, por cuestións orográficas ou de dispersión da poboación, non chega a fibra óptica, existe a opción de 'internet rural' de **R** con 5G (mambo *Axiña*) que lles permitirá a fogares e empresas destes lugares de difícil acceso dispor de alta velocidade de ata 150 megas con 5G e wifi 6.

A tecnoloxía 5G de 'internet rural' de **R** apóiase, dunha banda, nun *router* que permite conseguir esas velocidades e, por outra, no sistema wifi 6 para facilitar, por exemplo, unha **experiencia multidispositivo** excelente conectando á vez distintos aparellos cunha latencia mínima, semellante á que terían cunha conexión de fibra (latencia = tempo que tarda en cargar unha páxina, en enviarse un correo electrónico ou en executarse unha acción nun *videoxogo online*). [Internet rural 5G ilimitado](#).

O servizo 'Internet rural' fai de **R**, dende 2022, o **primeiro operador** que lles dota dunha **solución 5G converxente fixo e móbil** a clientes/as sen fibra en Galicia. O obxectivo é levar esta proposta á maior parte de inmobles espallados por zonas da comunidade de orografía complicada. Na actualidade o **90% da poboación galega** dispón de cobertura 5G de **R** e está preparada para facer uso desta tecnoloxía avanzada de quinta xeración. Un total de 224 concellos galegos, incluído Melide, dispoñen xa da solución 'internet rural' de **R**, que lles permite aos seus habitantes navegar a altas velocidades como o poden facer en 1,7 millóns de fogares cubertos por **R** coa súa fibra óptica FTTH de última xeración.

En resumo, **R** leva 25 anos despregando fibra no territorio, rúa a rúa, para dotar Galicia das mellores infraestruturas de telecomunicacións e situala á vangarda europea e internacional, en condicións de competir coas rexións máis avanzadas do mundo a calquera nivel.

Fibra óptica ou internet rural de R, opcións idóneas ante o fin do ADSL

Por último, tanto a opción da fibra óptica FTTH de **R** como a súa solución de 'internet rural' – se a fibra non chega á zona – son tamén alternativa para quen teñan en Melide unha conexión a internet a través de par de cobre, porque **o tradicional ADSL deixará de funcionar por completo nuns días en Galicia**.

De feito, a maior parte dos usuarios con ADSL en Galicia viven no rural, pois a dispersión xeográfica e a orografía favoreceron no seu momento a despregadura do par de cobre para chegar a moitos lugares investindo menos. Con todo, o ADSL ficou obsoleto xa que ofrece menos ancho de banda e sofre máis con meteoroloxía adversa.

comunicación R
prensa@mundo-r.net
R.gal